


181
:2



槐塘詩稿卷三

錢塘汪沆西顥著

計偕集

雍正乙卯春予應

制科省試獲與會稽周君長發蕭山周君琰同列薦剡
乾隆丙辰奉牒入都僦居接葉亭十月

廷試報罷轉客天津另編有集同時被徵者二百六
十七人鄞縣全吉士祖望輯有公車徵士小錄凡
舉主及被徵之爵里姓氏年歲詳載該備今忽忽
四十九年追維在都情事撫拾前詩不覺牽連書

之以紀一時之盛典云

春雪七言排律十六韻

制科
省試題

斗柄東回指鳳城喜看瑞葉曉飛霙

紫宸交慶三陽泰綠野欣霑五穀精乍點銅池微有暈
旋消銀瓦寂無聲條風吹作纖纖舞端月光分練練清
密灑楊溝疑撲絮細飄花市訝鋪瓊擬調湯餅辛盤飮
難琢瑤環乙夜鳴躡柳戲遲初拂馬傳柑節近阻聽鶯
霓旌上日天葩繞

鑾輅行春玉樹迎幾處鶴翎梳綺陌誰家蝶粉墮朱甍
謝郎朝罷衣堪畫梁苑人歸賦載賡巧翦蘭心歌並豔

徐挑菜甲色逾明方珪圓璧形同潔火樹星橋影借瑩
漸解冰漸魚欲上已蘇土脈草初萌麥纔潤葉占豐兆
梅不封枝識太平瑞應三農紆

帝眷祥徵六出慰村氓祇慚難繼都官句欲倩弓衣織
未成

東城卽目

菅茅作屋兩三家獨抱寒塘一徑斜行盡竹林人不見
隔籬吹過野梅花

雨後過塘栖

虹收林外散輕雷晚趁涼波一櫂開市語漸喧燈火出

柳塘詩稿 卷三
生衣欲換水風來橋邊算橋追前事篷底聞歌獨舉杯
待訪蕊淵人已邈不勝淒絕意遲回

曉過含山

夢破月初落單椒煙際迎高原人未起野寺塔孤撐戍
接烏青密溪分茗雪清探丸聞革面不復畏宵征

山塘

茶寮小住繫湖艘丁字紅闌冉字窗消受一甌人意健
松風吹雨影幢幢

五人墓

日斜祠下讀穹碑千古難消璫禍悲卻異碧雲荒寺外

一坏委鬼飼狐狸

無錫晚泊

黑雲陣起天欲雨青山如龍入雲去惠山錫山本故人
對面相望不知處俄頃雲腳風捲回殘霞幾縷雲罅開
蘆汀蓼渚風漸止舳艫銜尾嘔啞來晚涼起向檣下立
閃閃歸鴉煙際沒看到林端月上時疑是陽侯抱珠出

雨霽泊鎮江同金金門作

時偕行
北上

積雨連朝一水渾晴帆開處客眉掀野祠日落欹竿影
岸樹年多陷纜痕貫酒且傾京口驛扶筇重問研山園
匆匆行盡江南路厭聽郵鈴入夜喧

客揚州梵覺寺述懷二首

輶車促駕太怱怱拋卻西湖舊釣筒柳外已疎涼鷺雨
橋邊空憶水花風裴頭黃尾非吾意越角吳根有夢通
盛世淵雲人不少獨慚名玷薦賢中
薊門北望路漫漫道暑聊營方丈寬遶鬢飛蟲常攪寐
隔垣清樾許分看無求那蓄三年艾偶出非緣十段官
自笑比來能作達也隨茶板到蒲團

紅橋秋禊詞同蓮峯王載揚齊次風作

秋光潑眼奈愁何寶祐城西打槩過聽到蜚聲如雨落
十分涼意水邊多

垂楊不斷接殘蕪燕翅紅橋儼畫圖也是銷金一鍋子
故應喚作瘦西湖
壓波多少好亭臺秋色扶闌寸寸開更愛水荳花夾岸
回船幾穗入窗來
隔舫誰人唱繞綾五加皮酒瀉如澗晚來柳外煙初暝
水面齊明羊角燈

同蓮峯對鷗金門半查飲街南書屋分得蕪字

隔歲緘書問瑟居一宵難得五人俱到門虛寶斂冠入
接境疏花遶屐扶語到谿山添遠夢涼生池館足清娛
祇愁明日分襟去望斷江城十里蕪

由版浦至新安鎮道中書所見

練河渡口水三义好趁西風蕩槳牙驛路短長無斥堠
秋聲一半在蒹葭偶成小集逢挑菜到處荒塍不著花
未得南翔隨白雁木芙蓉發苦思家

九日

淮南逢九日入夜客愁新明月忽在地薄寒初中人津
梁疲太甚鄉訊至何頻多病憐予季刀圭未離身

謂弟在郊

郊城曉發

月落未落天將明驛樓又報第二程樹邊挾子鳥初出
原上趁墟人早行偶逢斷續幾家屋忽過彎環一角城

我愛瑯琊山色好煙中飛翠遙相迎

題天廡呈材圖

騷裏傳麟種權奇迴絕殊在閑光映宿出水字呈圖應
地行偏疾追風勢莫俱驍騰隨日馭倣儻上雲衢曉立
龍樓仗春騎綺陌蕪射麋馳似電障錦望如荼得路長
楸入連鑣茂苑趨調將金作埒秣用玉爲芻舞鳳應同
列鳴珂敢竝途

霓旌從七萃

鑿輅駕三驅伏櫪辭遙坂充庭達上都影徵曹霸寫駿
邁穆王呼燕子名分紫桃花色借朱軼羣空冀北稱德

比鷗虞不讓注泉隊差勝柳谷駒良材原可策華蓋看
長扶

題易宗浚廬墓圖

上書

北闕計蹉跎回首天涯痛蓼莪

聖代求賢非一格頭銜看署孝廉科

瑞竹歌爲齊次風賦

瓊臺雙闕神仙宅中有龐眉老詞客遊心寂寞契黃虞
鈎簾盡日看桐柏講舍曹源闢一區右支書榻左張圖
崇桃積李嫌粗俗遶屋絲筵種萬株初移上番浮筠簇

旋擢高柯蔭欄綠珍條歲晚各吹香相賞似入篔簹谷
鹿門偕隱不知年初度同欣甲子旋開尊篠徑驚奇絕
異事爭聞萬口傳行行相值莖相望枝枝相準葉相向

見無量佛
寶樹讚

鳳尾交飛勢拂雲仲圭落墨應難狀絲來草

木發文章霞氣千尋映石梁葛陂已逐風雷化才子高
騫上玉堂坐抽斑管摘鴻藻對青枉說成都好挺秀差
勝及第花敷榮不數科名草蕭疎十畝碧琅玕籠月含
煙三徑寬春風又見龍孫長爲報平安扶杖看

過萬柳堂同沈賡堂金赤泉金門趙淺山王礪

松王莪山分賦

綠野堂開遠市寰會聞相國此躋攀朝回花徑連鑣入
路轉城根一水環勝地百年餘敗柳風流六客散佳山
到來底用傷搖落車廢平津總等閒

樵風涇圖爲商寶意題

前年曾買山陰權萬壑千巖看總好橋名夢筆記江郎
寺訪天花懷賀老耽奇拚作一旬畱梅雨溟濛樹喚鳩
此時淋漓那復顧蘭渚柯亭日汎舟清游彈指成陳迹
漫說人生幾兩屐錢塘東望暮潮生小築難營一區宅
謁來騎馬向燕市雪花十月飄瓊蕊欲出翻愁堀堞泥
空憶烏篷盪煙水寶意居士今翰林寓同靜曲常相尋

籠鷺采箬有微尙擁鼻鐙前動越吟越山如髮樹如薺
極目鄉關路迢遞爲倩僧繇老畫師寫將別墅明窗底

圖爲張天
蜚編修作

竹垞松寮地百弓樵風涇口石帆東尙書遺

構依稀在坐看朝南暮北風

商別業係倪尙
書鴻寶舊址

生年滿百

亦轉燭枉笑春蠶自裹縛世間得失盡雞蟲當杯且斲
聽絲竹况聞林館塵埃少卻借筍皮鞋未到對圖何異
刮金鏡頓使羈人豁懷抱西陵渡口喚篋輿遲爾他時
賦遂初醪醪酒釀三千斛乘興能來履道居

送周青瑤還蕭山省親

盧溝橋上望征塵爲爾臨岐一愴神待

詔空縻三月廩誅茅難卜兩家隣但依慈竹長無恙便
合名山老此身我亦懷歸歸未得白頭愁絕倚閭人

將赴天津淺山招飲寓齋

故人惜我去密坐話更闌負米違初志歸耕計大難月
窺虛幌白風刺敝裘寒且盡三升酒瑟瑟街鼓殘

送稼翁還秀水

大葉下亭臯西風吹紵袍九衢淹旅食三板急歸艘芸
閣遺書在荷池結屋牢還家一杯酒揮手謝羣豪

漂榆城北路惜別駐河干葦岸鯨波落津樓雁影寒往
來成晼晚去住共艱難祖德芬應述看君棗木刊

時商刻經

義考

嬾園六咏寶意索題

行窩十笏寬晴曦滿虛牖硯池融不冰圖史羅左右試

問賃春人此樂能知否

南軒

本是江南人來作冀北客嘔啞艣一枝相阻情脉脉牽

船岸上住聊以代汎宅

舫居

蟾魄湧牆東先照槐下屋流光入簾櫳清影媚幽獨尙

記花黃時匡牀曾信宿

槐屋

修廊何逶迤接徑多嘉樹竟日客不來义手唵卓午還

聞春意佳瀟瀟響疎雨

長廊

團焦隱花叢扶疎周四角上有黃栗留翻飛晝相撲懷
哉結亭翁亭為湯西厓少宰所構風流應未邈接葉亭

謝公耽邱壑肯因塵海廢岑碧峙前除嵌空殊向背宛
然汎鏡湖射的烟中對小玲瓏巖

七烈行

并序

宛平太學生查國英國才兄弟同居京師崇正甲
申三月十七日闖賊李自成犯闕城將陷國英妻
周氏時已寡二子允哲允著先往榆堡國才偵賊
信出入倉皇氏號于堂曰查氏為京師望族不死
將為賊辱未亡人有一死以謝地下耳若等曷早

圖之眾皆諾曰惟夫人命於是國才妻張氏妾廉
氏廉之母某氏女二姑國才女三姑四姑環拜氏
前從容而縊黃母者國英妹也亦以寡附查氏以
居是日與其女三姑隨氏同縊時殉者九人絕而
復甦者國才妾廉氏及其女四姑廉氏後度為尼
四姑壽踰八十終國英孫推述先烈乞言表彰為
賦此詩

平則門開逆闖入朝士紛紛爭拜賊查家烈婦周夫人
慷慨堂前大義申昔聞樂羊妻盜劫不從甘作鸞又聞
高愍女寇求為婢誓勿許彼非鬚眉盡如此我曹今當

共一死娣婦聞妣言請從地下長周旋小姑聞嫂言含笑不辭赴九泉諸女聞母言齊聲抗志金石堅就中有妾長跪請莫因葑菲輕棄屏有母雖辱同畢命周夫人查烈婦聞衆言笑拍手各各入帷房密密縫衣裳光明一匹帛齊挂文杏梁朝來蛾子排闥過烈氣如生不敢到貞魂如伴魏娥遊勁節還同費氏播七人絕二人蘇跡雖異心不殊嗚呼七烈之墓草已宿七烈之名光岳瀆

題曹六圃選宋百家詩存後

我披天水史開寶逮德祐文章流別殊各自闢藩園西

崑沿五季遺俗尙忼狂誰復正始音魯公冠厥首能事王黃州訓詞亦深厚繼之梅歐陽燦燿光列宿髯蘇一代豪落筆鉅鯨扣門下四君子笙簧迭賡奏同時濂洛賢風雅振先後雖非春葩榮至味在醇酎紛紛遞述作南渡格變又渭南富天才崇臺九成構楊監與蕭尤下視匹蓬雷石湖頗排莽簡齋劇孤秀終遜子朱子芳潤六藝漱汝社多瓌詞噍殺出泉竇獨愛晞髮人九歌可馳驟其餘盛藻翰僂指牛毛富惜哉五百年散佚隨飄颻遂令汲古者荒荒墮烟冪曹君擅石倉積書屋連袞文鑑補呂氏詩鈔廣吳叟憶昨上元日晴雪滴殘溜肩

輿過草堂叢編出懷袖羣言匯百家目眇浩難究如入
萬花谷透天列錦繡又如對古尊雲雷錯雞雌賤子嗜
好殊讀罷一言祝變體雙井翁造語獨矯揉江西詩派
圖幾輩尙墨守九僧格律麤四靈篇幅瘦江湖諸小集
殺核分飭餽豈無絕塵句駑駿不同廩兼收與竝登要
使無雜糅十手急傳鈔百卷付刻鏤鑒別君自精狂言
當我宥

翟晴江寓齋小集和金門韻

日斜靜曲款柴關人海堆邊一破顏牛馬任呼何足問
薺茶徧歷不如閒座中名酒酣今夕愁外秋鐙話故山

贏得新詩滿籐笈勞君方便爲予刪

村居圖爲晴江題

我年纔總角讀書在橫塘居民頗近古村舍鬱相望言
念暮春候高原動晴光覲睨啼好鳥沃若弄柔桑柴門
當晝掩雛燕飛低昂此時手一卷白日到羲皇

聞君卜築處不隔東西村遠山青遶屋高柳濃蔭門旣
諧圖史趣彌忘城市喧壓床社酒熟誓將從晤言

君家賢兄弟相識長安道連璧姿絕倫清才富翰藻兄
歸省高堂高堂顏不老西陂課射魚東屯觀刈稻奉杖
足逍遙春風田舍好

木坡詩和 卷三
陸機憶竹篠張翰思莼鱸古來賢達士懷鄉情不殊故
鄉誠可懷丈夫有遠圖况君年鼎盛詎作山澤臞天閑
市駿驥努力騰康衢

堇浦席上食花糖同晴江作

將離花後雨廉纖曉愛繁葩摘滿匳辛苦玉人和露搗
泥他齒頰十分甜
水邊林下想孤清緘取冰菱達上京一段幽情河渚畔
嚼成人跡板橋聲
紅蘼紫萼肖秋毫不用東風作剪刀若向建康誇七妙
爭教員外說花糕

入座都猜膈膊棋五花盤裏照離離拈來一朵無人會
公案須參繖子師

方鏡和堇浦韻四首

不學磨稜獨抱方看修邊幅湛寒芒移窺墨海原同樣
持較冰輪別有光壁立分明參雪竇橫陳咫尺接銀塘
阿誰得似華陽侶試驗雙瞳次第張

吉金四角範周方縱欠團欒也吐芒撲地任猜甄作範
開匳還與璧爭光珠翹低映棋盈局黼帳斜侵花滿塘
只惜梳頭看未足好圍六曲短屏張

不因龍繞巧規方丈雪空明徧耀芒想像江心呈大冶

依稀碑背發奇光
修眉纔畫山橫障
噓氣旋消冰泮塘
一自秦嘉偕計吏
負他三載不曾張

成矩居然說過方
玉臺高卓見森芒
懸來幾度疑堂印
磨處還應號壽光
秋水無波澄尺幅
菱花四照簇迴塘
平生不會王門事
穩稱頭顱日夕張

赤泉邀遊憫忠寺
不果畱飲寓舍同
對鷗晴江
戴鷗亭申笏山分賦得蕉字

澄碧天光奪越窰
清遊排日趁佳招
未探蘇氏寶塔頌
且試歐公魚枕蕉
寒劇酒人貪百榼
話多風燭換雙條
攬袂又作經年別
後夜相思通潞橋

時與對鷗將之津門

重九前三日查儉堂招遊陶然亭歸飲沈椒園
隱拙齋分賦

城南水木淨無埃
先喜黃花爲我開
日下此亭推勝地
天邊有客獨登臺
晚山青向樹頭出
疎雨響從蘆外來
凭檻莫嫌寒色重
故人還約汎深杯

鄭雲叟在都下用高句驪布製袍一襲商寶意
賦布衣詩贈之和者甚衆今歸越中因賦二律
以送其行

大布寬袍古製存
縫來一匹海東藩
持竿不作披裘隱
懷玉何堪被褐論
拂袖固應歸白社
曳裾那肯向朱門

爲言紈袴休相笑畢竟輸他自在溫

若耶溪口舊家居暫駕金臺轂鯨車青紫四時輕仕宦
聲華三絕擅詩書椽鞵筇杖行相稱老帶莊巾樂有餘
此去未容長息影

聖朝物色在樵漁

陸抑齋載酒過疎雨書堂分韻

瀟灑真同小謝齋吟場得此樂無涯一房山好貯雲氣
兩樹風高豁酒懷且喜形骸忘檢束不妨談笑雜詼俳
歸驂何必籠鐙去試看汪汪月滿街

蛺蝶

花開來集落還去蛺蝶無情何足云獨怪翟公門下客
冰天赤日一朝分

集堇浦寓齋看丁香花同次風椒園周元木胡
稚威張少儀周讓谷作得齊字

燕山寒多春事晚二月已破風猶淒緋桃穠李不到眼
但見丁香一樹抽枯黃曉來雨過六街淨輕衫不受纖
塵翳巾車爲赴故人約入門滿院繁英迷駢枝接萼紛
姪姹含苞一一宛似明璫低廣庭半割紫絲障卓午香
遍隣東西是時寓公次第集移床花下鋪青綈槃榻隨
分亦不惡況有吳柑易栗哀家梨頗憶前年上巳後小

杉坊詩和 卷三
椿樹巷經旬棲殿春花好壓擔買酒鱗浮動銀畱犁捲
簾燒燭興不淺劇談聽到晨雞啼自從許郎炳黃海去
予亦津門策蹇蹄京華旅食二三子判如雲散晨星睽
今朝且喜風日美花前綦履重提攜涑州滄州並佳釀
對花不飲花應詆人生擾擾舞甕雞俯仰物理難邀齊
不見此花明豔矜絕代九品九命無緣題

同讓谷宿紅泉館堇浦以所輯漢書疏證索序
各賦一律

試從班史論功臣攤几新編比積薪不少遺文增晉灼
好將疑事叩劉臻名山獨占千秋業下酒偏宜我輩人

自笑陶陰猶未辨空慙華嶽集飛塵

裴駟史記集解序
譬飛塵之集華嶽

冬日園居次堇浦韻

廓居聊自適歲宴俗緣稀老樹叫乾鵲高原澹夕暉所
欣農有粟不賦客無衣窮達皆關命何嫌生計微

寄金門錦州

關外專城重陪京典郡雄山川豐鎬地民物魏唐風問
絹清無愧懸蒲事可同時平不用武敷教待文翁

吳繡谷先生有宋雕許丁卯集逸去多年先生
既沒哲嗣甌亭遊京師得於書肆以豐價購歸
重爲裝潢邀余賦詩以紀其事

古人重手澤寶之逾珠蟻物薄意則厚不忍忘其親子
友瑚璉質守先多謹循遺書富鄴架校勘禿老魏惟此
郢州集羽化綿冬春中念乃翁跋積想含酸辛竭來長
安市滾滾多沙塵王充慣閱市何以慰鮮民思專鬼神
通趙璧竟返秦詎同塞上馬肯惜捐千緡古香溢妙錦
載歸光重新東南多望族書庫什襲珍易世供覆瓿徒
令旁觀嗔一編尙爾爾遑暇堂構論聚散亦無定負荷
匪異人凡百有父書式是書諸紳

和次風送別原韻

經義紛綸井大春眼中突兀見斯人一條冰冷官能耐

萬卷書豪筆有神著述曾膺

丹詔下

次風持服未闕奉
在籍纂禮記考證諸書

命性情獨向故交真歲

寒令德期終保縱隔天涯若比隣

槐塘詩稿卷三終

槐塘詩稿卷四

錢塘汪沆西顥著

沾上題襟集

上

此集皆在沾上所作題襟集者長幼八人予亦次其內非予專集也久經刊行仍以名集後再至三至之作竝摭拾錄存分爲二卷省覽篇章感人事之盛衰傷老成之凋謝不禁愴然於懷矣

小除夕祀竈和儉堂韻

爆竹連薨喧夜火冷茶竈攢眉擁深舍頗愁詩吻燥誰與醉司命餘瀝招客醕豆沙農家俗粉餌饗人造擁爐

嚼復嚼風土覩縷告掃陘潔籩鉤祝嘏冀神勞禮本五
祀崇時亞八蜡報我輩恥因熱遑肯說媚奧徵事及剖
羊撫掌更絕倒黃金詎易成誕語溢真誥何如據觚嬉
濁醪契元妙門外鼓紉如齋心默自禱

鐵鐙出自蕪湖凡山水花草蟲鳥之屬纖細逼
肖以紗縠籠燭觀之宛如繪畫予賞其創獲爲

賦二絕

鐵鉤屈曲風枝勁金錯依稀雨葉濃誰向南唐摹粉本
一叢如畫映輕容

竹

倒影澂鮮拂冶條果然巧匠善承蜩憐他一樹蘭膏側

不肯風前學折腰

柳蟬

銷寒詞爲堇浦賦

下直歸來每日斜水沉潛燕靜無譁定知風雪紅閨裏
一朶初開女史花

宰地珠簾不浣塵週遭護取一枝春江南見說寒猶劇
可憶鐙前擁髻人

澹宜書屋飲翡翠酒同符丈藥林賦

誰釀春江千里耐連鬢鄭重轉吳帆色分靈羽應侵髻
影澆東風欲浣衫合遣黃籐稱後輩何須白墮作頭銜
青州自此添從事一笑真堪慰客饑

送高宗山入都三首

之子東南彥三年京洛遊名會書淡墨才可壓羣流別業鼉江樹心期渤海鷗篋中論著作不愧晉陽秋澹日重簾捲疎花小閣妍竭來尋舊雨高詠入新年似此人才少誰將詩句傳直沽堤上柳欲折意悽然嗜好真殊俗相看愜素襟從人嘲水厄祇自作書淫際曉春寒重當階急霰侵暫停驢券去款款話同岑

和南竹春日湖莊寄懷二絕

寒多午夜夢頻仍冷澹真如退院僧負爾孤山好亭子梅花開過不曾登

長紅小白鬪花枝多態樓前夕照時可記斷橋人影散
遶堤一路共尋詩

客居津門董浦次風陳句山屢札存問簡寄四首

魚鑰傳呼啓禁門瞳矐紫殿上朝曦

天題擎出黃羅袱尙膳頒來白玉尊威鳳自應棲闥苑
枯槎無路近河源至今剩有觚稜夢終戀

君王一飯恩

天池接翼看回翔鈴索常聞響玉堂垂幔夜然官燭豔
堆床晴曝賜書香一時中祕抽金管共說羣公富石倉

努力置身清切地莫言報國但文章

蕉萃津門又隔年東華悵望樹如烟幾番中酒燒鐙夜
忽漫懷人掃雪天玉笛聲中悲晚晚梅花風裏負延緣
蓬萊只合神仙住自愧虛乘弱水船

小部當年記盍簪爭誇文采盛東南清歌高館牋同擘
細雨春簾酒半酣往事尋思如落葉此身無俚過眠蠶
報書休怪嵇康懶我已而今七不堪

和作

齊召南

次風

一春消息阻津門每向東風望曉暎長自隔年勞寸
簡何當對席理清尊名山枉負青鞋約異域猶尋黑

水源

時纂雲南志書

應是故人深念我醒狂多恐忤平恩

雁序天南接翅翔雄師筆陣最堂堂由來我輩顏應
汗吟到君詩字亦香玉府蹙看遺楚璞鼓文終自顯
陳倉三秋更有求賢

詔

聖世長垂雲漢章

吳山顧曲記當年纔落春鐙未禁烟細雨溟濛畱客
夜微風料峭養花天清歌共判樽前醉高會誰知夢
裏緣今日天涯萍散盡如君還近潞河船

厲二太鴻沈六幼牧

周大青瑤張大介石旋浙多時

檻外微茫列玉簪江南山色借淮南諸公不厭壺觴
數豪興偏矜筆墨酣花滿春堤移畫鷁草枯秋塚問
金蠶奚囊多少閒詩句慚愧重遊尚未堪

兼懷江都閔八蓮峯

團二冠霞諸子

病齒戲成

天鼓難鳴忽動搖誰將如意愕峰敲禁方未覓飛靈散
夜夢空傳活玉巢豈為梅酸常作齏非關梭擲漫相嘲
平生自問無恩怨齟齬何緣此日交

胡文錫移居城南賦贈

藥欄藤架手芟除巢燕憐君暫定居一事卻勝東野老

借車載得讀殘書

送徐壇長先生還宿遷

賢關一代數鉅儒湯潛庵陸當湖前導後李朱安溪高安兩相

國榕村講學更卓絕誰與弟子稱入室魯南先生器軼

羣六籍穿穴尊所聞研朱矻矻互枕蔕鄭箋孔疏陸釋

文卽今八十顏不老遺文在笈猶獨抱精神如鶴氣如

虹墨守膏肓枿異同昨朝

予告辭虎觀祖帳青門飲無算掉頭歸臥下相城免聽

朝雞趨夜半一帆直沽西垂楊夾岸齊水窗斜拓纜暫

繫金壺墨汁滿赫蹏贈我擘窠字兩幅寶之不異青稜

玉榮光熠熠發毫端鬱律龍蛇腕底蟠心正筆正詎易
學積藏不許凡人看先生歸去秋未殘黃花繞砌蕊正
攢風前傳學欵小冠眼明更寫巾箱本好配鴻都石竝
刊

秋日雨中水西莊雜咏和儉堂韻

高梧借綠到虛樞鎮日無人坐宵冥差喜池添三尺漲
牀頭試覓種魚經
數帆臺上倚闌同葦澱微茫望不窮縱少馬家山一角
眼前奇絕是空濛
秋色先尋到水邊濕雲懵懂障遙天菰蒲一霎蕭蕭雨

搖過吳江鴨嘴船

樹底涼蟬咽不鳴苔痕滑澆澆堦行枕溪廊下驚瀧急
分與詩人聽水聲

讀書示查生善長三首

屠龍技非不稀時無所用讓履豨作俑子人共嗔時有
所用貴斲輪人生擇術何用巧一藝成名衆亦寶

青青江上楓鬱鬱嶺上桐三年成拱把枝葉何龍葱昂
霄聳壑詎不速質脆皮柔易傾軔何似園中樹白檀堅
韌卻中車心軸

朝鉢胃暮鑄脾人各有分苦不知慙鳧企鶴徒爾爲君

不見鷹日擊無全翻牛日犁無全蹏

月夜登縣樓和吳東壁先生韻并柬朱南湖大令

取次丹梯百尺登月華如水汎風稜微茫海嶠開千里
彷彿瑤臺到上層隔坐任教虬箭促當杯未放酒鱗冰
使君若續南樓興我亦從拋雁足燈

雪中儉堂出十年滄酒會飲以名酒過於求趙璧分韻得求字

酒經列品逾千種我未徧醕徒冥搜邇來酒國第甲乙
南數越州北滄州譬之嵇詞阮旨各有致二者妙理當

於象外求直沽地接清風樓鯉魚灣水綠似油紅砂大
甕家家笏昨朝雙鴟遠自五壘城邊寄恰值雪花門外
吹漣漣手皮瘡疥毛蝟縮霜稜勁折羔羊裘主人興發
恣拍浮開尊盎盎春意柔不速之客周南張北中央劉
爲言漉藏剛一紀二十三務無此清而瀏

趙珣熙寧酒課滄州二十

三杯傳到手不復畱泥飲那用巢鶴囚醉鄉自惜矜上
頓麴部便可營糟邱人生何必萬戶侯釀王亦足傳千
秋坐聞枯樹鳴哮颺羲和叱馭無停輶仰屋著書非良
謀何當移傍甄河古驛住日夕酩酊臥看青天鷗

坐冰牀至海光寺萬柘坡邀賦六首

廣莫風高海國寒
臨流放眼碧天寬
乍疑澀浪平如熨
誰道洪波吹盡乾
精衛久填應悔拙
方壺直渡豈愁難
滄桑不信成彈指
此地曾看生紫瀾

帆飽秋風十幅行
共驚柁側與檣傾
一壺舊覓千金貴
短綆今牽片席輕
望裏全迷青女影
度時忽訝阿香聲
凭舷縱少儵魚樂
天畫居然刻劃明

據將麝角出迴塘
路入光明不憚長
但覺往來無畛域
渾忘俯仰辨元黃
狂呼欲逼蛟龍窟
列陣爭飛鷺鶴行
獨怪陽侯多狡獪
弄珠人遣貝宮藏

削木編蒲傍釣磯
坐來直似御風飛
蒯人待價期猶遠
謾畫貪魚計已非
作鏡祇憂疲屢照
爲山難得疊成圍
何如跂腳支頭臥
消受寒光觸鐵衣

壺內晶瑩納大千
飈輪轉處勝乘船
凌兢頗畏寒如水
虛白翻驚別有天
罔象爲言宜永蟄
馮夷從此不須顛
清游許我連朝出
那羨班生便是仙

童稚曾賡履薄詩
垂堂有戒敢忘危
滹沱利涉談何易
拘弭長堅事可疑
差喜龍門同放溜
不教鯁壑昧多岐
祗憐才地雖如石
鏤得成花未足奇

人日和查蓮坡韻

油窗烘煖硯池融
春意潛歸臥閣中
勝事尚傳煎餅會

流光又逼試鐙風牆陰剩雪留虛白簾底疎梅破冷紅
獻歲無如今日好莫教輕放酒船空

枕溪廊看桃花

迴汀曲崦路週遭獨遶長廊絕市囂十日不來城外住
水邊已破幾分桃

麴塵初染柳縑絲載酒題襟此地宜祇欠哦松崔少府
同來吟過日趨時是日期憚
哲長不至

餅魚

春風到棟花餅魚壓擔賣庖人具早殮芳芬芼薑芥不
殊漢上鮪頗勝王餘膾一飽腹果然放箸發深喟香餌

何地無疇知守口戒

咏同心十瓣蘭

金漳分種遶堂生瞥見奇葩吐紫莖膏綴重臺情暗結
香縈擁背畫難成佩來好協雙璋夢譜就宜添九畹名
脈脈相看兩無語楚江何處不傾城

題儉堂秋庄夜雨讀書圖

有書何日不可讀古人偏自惜三餘雨無雜喧夜無擾
一卷勝讀百卷書夫君此意師董遇獨翦秋燈傍秋樹
有時俯首勘羣經有時搖膝哦長句繞屋竹梧榆柳檉
淒淒撼撼攢雨聲雨聲來雨聲去漬墨磨丹窗送曙

松雲研歌

軒轅臺上雲蓬蓬軒轅臺下松謾謾我昔問渡硃砂泉
雲影松陰照衣綠家山一別十二年清境重摹杳難復
故人解事破旅寂拂拭陶泓出韞櫝爲言割得黃海腴
天鏟神鏤光四燭攬衣逼視發奇詫五鬣縱橫互蟠曲
蒼然幾片兜羅綿接葉交枝盈一握恍疑振策臥龍橋
萬頃濤聲撼靈谷鄉心對此藉騷除何異金鑱刮雙目
側聞帝鴻製墨海後賢稱名矜百族銅雀香姜小劫餘
梅岩聲價歸鸚鵡惟君斂耀善匿藏蓮花峯下長棲伏
有明葉氏爲君譜

歙研志四卷
明葉良貴著

人間始識琪玗玉年來

仍復賤金星耳食紛紛鄙流俗與君舊住三天都太息
飄蓬同轉轂何如伴我歸去來坐擁縹緗老邁軸朝看
雲氣麗層霄暮聽松聲灑飛瀑毛穎龍賓共結隣勝較
華林書七錄

題查七倫研北勘書圖卽送南歸

讀書不必求甚解此語似超實遊戲抉經之心執聖權
良田詎可鹵莽治釋文訓詁浩難詳爾雅蟲魚細宜志
何況陶陰雜魯魚紛紛譌舛多於載夫君少讀書等身
跌蕩文場張纛幟落筆爭誇下水船詩成恍奏朱弦瑟
疏吏切金臺昨和酒人歌太息天池暫垂翅決計遄歸梓

樹橋

尊甫查浦先生晚歲卜居海寧梓樹橋

到家菊葉猶含翠架上遺書

萬卷儲錦贖玉軸排鱗次我亦西風蕉萃人叢殘舊帙

畱行笥幾時來伴石鄉侯適意從君思誤字

樊榭先生惠詩寄懷依韻和呈

接葉亭前客西風散似雲菊驚三載綻馬憶大堤分天

水菟詩話東城輯舊聞

得來書知所撰宋詩紀事東城雜紀二書方削稿

未能

從卒業霜雁羨歸羣

晚過奔牛堰聞杜宇有懷西顛在天津

厲鶚 樊榭

古堰經由處蜀禽啼暮雲風多聲易失林靜語初分

歸客尚為感居人如不聞萍漂南北路因爾惜離羣

謝查貢木餽虛中棗

消夜分佳果登盤朱實稠甜多逾石蜜顛皺敵牛頭種

似河中乞

北夢瑣言河中產無核棗

名難海上求木桃無以報慚愧

赤心投

雪中集澹宜書屋同余荆帆作

檢點尊前見在身嫩寒猶勒幾分春壓簾雪意濃於酒

繞屋梅花瘦似人陳迹可堪隨俯仰半生多悔在因循

來朝躍馬城西路要洗胸中萬斛塵

人日同荆帆柘坡儉堂過周月東卜硯齋出觀

藏書畫畱題

佳名愛人日問訊小關過沙路雪消後江天雁去多居
然遠城市不異住岩阿蓬雷休嫌窄門前有綠波

喜君卜卦硯中泐謝公名

硯爲宋謝文節公舊物背有程雪樓銘

爲想下

簾日尚餘草檄情直方存勁節聲價重連城伯仲誰堪
竝崢嶸玉帶生

畱客開書庫呼童掃墨莊烟雲作供養金石剖毫芒半
日愜清賞一簾縈古香幸無寒具澹評泊到斜陽

正月八日同葛摺書馮敘九陳以舟少儀儉堂

集水西莊作

條風作意轉靈辰花事西園次第新不辨入門誰是主
相看滿徑總宜春客中節物閒方覺眼底交遊淡更眞
設禮總非爲我輩疎狂願恕不羈人

午餐

天津古澤國水族紛駢羅鉅細魚無算下逮螳蛤羸
郎遠近販其值賤於莎老饕恣口腹暴殄誰敢訶午餐
集衆鮮對案默自哦衛生本有術疏食導天和奈何飽
腥羶甘薦腸胃瘥一筯縱適口物命戕實多岐亭有明
戒吾欲師東坡

送柘坡還禾中

木坡言和 卷四
笛牀聲咽吹不起斜日西莊舟獨艤柳條罨岸乍飛花
折取一枝贈遊子遊子家居古秀州春波橋畔築書樓
撐腸拄腹五千卷不羨車前鳴八駟鶴書催上長安道
獻賦

螭坳年最少天門詆蕩薊雲馳會見黃金鑄驥裏誰教
辛苦染緇塵席帽依然未離身縱看蕊榜書名氏仍是
飄零下第人水西主人雅嗜客手闢林亭殊婉孌玉山
佳處盍簪多授簡騰觚綿日夕憶君來值沈寥天叢菊
週遭簇四筵三年彈指同聲唱墨瀋多黏攬翠軒我憐
爲客津門久雙鬢蒼浪竟何有秋暍春陰一擲梭似鳥

在笈魚在罾輸君歸泛燕梢輕一路看山眼倍明計程
匝月征颿卸桑柘連村綠已成門前不改揉藍水砌下
還開花似綺月波新釀挈雙瓶隔巷好招錢載與李宗
人生難得小團圓爛熟何須思好官秋風我亦秋涇至
相訪同餐蛤蜊盤

雨中

雨聲吹送火西流野水周堂可汎鷗惟有病夫差快意
嫩涼先借一分秋

題沈石田乳鳥圖

嚴霜變寒沍雙鳥啞啞飛上樹一鳥羽襍襍一鳥味左

顧問爾老烏何所去啄食知應爲爾哺烏兮烏兮反哺
爾卽凡鳥殊老烏飼爾口已瘖

贈筆工沈生

毛生禿笑中書老尖頭舉世誰爭巧宣城舊有諸葛高
繼起吳興陸文寶兩人姓氏久不聞近日沈生技尤好
妙處能隨腕底傳興來每稱池邊掃池邊腕底幾人知
旅食京華暗涕洟爲言三載緇塵浣一領裘殘兩鞞破
篋裏空餘千翠筠老腕盡落管生塵才高自古難爲售
不用艱難怨路人曉來貽我雙雞距告我遄歸練村去
我欲爲寫蒼弁圖排籤十指不得摹我欲爲書西塞詞

薑芽斂手徒自嗤生藝已精猶蹭蹬似我真甘爲世屏
僵臥空山掩蘿徑酌生酒爲生歌縮蚓塗鴉奈我何半
酣持帚舞傴僂濡墨縱橫學擘窠

送田在田還德州

殊方欣會面雙髻未成翁官冷蘇夫子經傳鄭小同送
梅衣上雨趨舫驛前風西圃歸無恙

西圃其令祖山
薑司農著書地新

篁拓百弓

若槎坐雨

芭蕉葉大雨聲繁五月林塘尚滯寒隔巷酒人招似鶴
過牆叢樾碧於巒樹喧轉訝撐篷聽山近何須振柁看

恍似垂虹橋下泊一聲長笛水雲寬

滄州見黃菊賦寄香雨廬二首

小艇孤燈鄉夢頻一枝賴爾慰嗟身卽今憔悴西風裏也勝尋常齷齪人

前年香雨廬中住萬朶金英青幔張三五酒人容易散一番棖觸閨重陽

南皮

平楚茫茫嘆馬臚古皮亭下重徘徊辭條葉墜寒冰井驅犢人耕讌友臺七子風流傷竝逝五官詞賦枉多才日斜畫角嚴城動尚想西園歌吹來

泊頭舟次貢木出贈行詩冊索題賦答

嶽寄歷落是吾師白眼時時忤市兒今日滿裝書畫去可能剩有買山貲

登樓百尺更無山鶴渚甌河總一般商畧卜居何處好

金陀坊畔屋三間

時從滄州歸嘉興

郎君綺歲工詞賦更愛雙瞳秋水清一路晴牕欹枕聽隔船常送讀書聲

小鐵歌

查郎神駿獨愛馬馬上彎弧左右射銅街十二選龍媒千金不惜酬豐價名駒市得鐵連錢惆悵丹青乏曹霸

圉人曉控立堂階振鬣一鳴凡馬啞請君食以玉山禾
請君覆以黃葵把逐電追星縛鬼章盡掃欃槍報

者 闕下時有會勦湖廣逆苗之命不然負此絕塵姿短轅跼促何為

者

雨中集香雨廬試百花酒

積雨排孤悶潛招小飲徒共耽香割蜜渾忘砌跳珠蕭

瑟愁霖賦模糊醉客圖坐中誰作達北府乞兵廚酒自鎮江

製

藕香榭點筆

車轍不到處幽襟愜靜便小園輸庾賦華髮感潘年貼

檻青荷小扶闌紅藥蕙榮枯各有候莫怨碧翁偏

夏夕儉堂招集小丹梯

黑雲驚陣起迢遞接城闌隔樹篔簹酒高樓風健人本

依皋氏廡翻作孟家隣儉堂時移居屋南小樓勝事追河朔匏卮

引百巡

歸自城南過染香齋坐月

才向城南扶醉回高齋又為試茶杯屋頭明鏡忽飛上

門外三人不速來露氣溥溥侵白袷蜚聲故故曳蒼苔

牆陰要補蕭疎意隙地應須種笛材

題方文正公雙松圖圖為澹宜書屋所藏

金川門外鼓聲死百萬燕師渡江至齊黃承勅促勤王
抗節惟畱小韓子長號感陛侍臣哀草詔曾聞擲筆來
天子降堦親勞苦叱語成王安在哉百口甘心遭殄磔
氣作長虹貫白日東市原殊晁錯刑北邙應化萇宏血
此圖開處風寧颺雙幹輪困聳絳霄想當慘淡經營際
自狀生平節後凋觀罷正襟爲肅拜精爽猶疑騰紙背
世間不少畢宏韋偃工畫松詎若此圖天地長畱在

雪霽集暄樓分賦得素字

層樓出樹杪曲磴改前度別此欸十旬竭來愜冷趣昨
宵西郊雪彌望餘積素林巒勢欲連浦激痕微露際遠
杳難辨登高興能賦卓午檐禽啼晴光轉寒沍不殊南
榮溫旋覺春臺煦物候有推遷吾生安所遇

槐塘詩稿卷四終

國

